



Број: 01/5-29-1247/14

Сарајево, 23. 03. 2015. године

КОЛЕГИЈУМУ ПРЕДСТАВНИЧКОГ ДОМА
ПАРЛАМЕНТАРНЕ СКУПШТИНЕ БиХ



BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 29.03. 615			
Organizaciona jedinica	Klasifikaciona oznaka	Radni broj	Broj prijega

ПРЕДМЕТ: Приједлог одлуке о износу РТВ таксе

Поштовани,

Регулаторна агенција за комуникације БиХ је, 27. 11. 2014. године, у складу са чланом 22. Закона о Јавном радио-телевизијском систему БиХ („Службени гласник БиХ“, бр. 78/05, 35/09 и 32/10), доставила Представничком дому Парламентарне скупштине БиХ приједлог износа РТВ таксе.

Колегијум Представничког дома је на 3. сједници, одржаној 15. 01. 2015. године, разматрао приједлог износа РТВ таксе – примјена члана 22. Закона о Јавном РТВ систему БиХ, те одредио Комисију за саобраћај и комуникације Представничког дома (у даљем тексту: Комисија) као надлежну за припрему Приједлога одлуке о износу РТВ таксе.

Комисија је на 3. сједници, одржаној 09. 02. 2015. године, и на 4. сједници, одржаној 09. 03. 2015. године, разматрала Приједлог Регулаторне агенције за комуникације БиХ (у даљем тексту: Агенција) о износу РТВ таксе, и констатовала да Агенција није доставила сву потребну документацију на основу које би Комисија могла утврдити Приједлог одлуке о износу РТВ таксе.

На захтјев Комисије, Регулаторна агенција за комуникације је, 27. 02. 2015. године, доставила допуњени Приједлог износа РТВ таксе, као и Одлуку о утврђивању висине претплате Управног одбора РТВБиХ из 1998. године и одлуке Одбора Јавног РТВ система БиХ о усклађивању висине РТВ таксе са службеном стопом инфлације у Босни и Херцеговини.

Такође, на захтјев Комисије, Пословодни одбор Радио-телевизије БиХ (БХРТ) је, 19. 03. 2015. године, доставио Комисији материјал о РТВ такси, у којем су наведене законске одредбе у вези са финансирањем јавних РТВ сервиса, организација и начин наплате РТВ таксе, као и ефекти постојећег начина прикупљања РТВ таксе.

Комисија је констатовала да Одбор Јавног РТВ система БиХ није доставио тражену анализу финансијског ефекта предложеног износа РТВ таксе на будуће пословање јавних РТВ сервиса Босне и Херцеговине.

Комисија је, 23. 03. 2015. године, имајући у виду достављену документацију и у складу са закључком са 4. сједнице Комисије, одржала тематску сједницу посвећену утврђивању износа РТВ таксе. Сједници су присуствовали представници Министарства комуникација и транспорта БиХ, Савјета Агенције и три јавна РТВ сервиса у Босни и Херцеговини.

Након спроведене расправе, Комисија је, са четири гласа "за", једним гласом "против" и три гласа "уздржан", подржала приједлог Агенције да износ РТВ таксе остане непромијењен и утврдила Приједлог одлуке о износу РТВ таксе, који вам достављамо на разматрање и усвајање у Представничком дому.

С поштовањем,

ПРЕДСЈЕДАВАЈУЋИ КОМИСИЈЕ
Момчило Новаковић



ПРИЛОГ: 3

1. Приједлог одлуке о износу РТВ таксе,
2. Допуњени приједлог износа РТВ таксе, акт Регулаторне агенције за комуникације БиХ, број: 01/5-29-1247/14 од 27. 02. 2015. године,
3. Материјал о РТВ такси, акт Пословодног одбора БХРТ-а, број: 01/5-29-414/15 од 19. 03. 2015. године

Достављено:

- наслову
- а/а



ПРИЈЕДЛОГ

На основу члана 22. ст. (1) и (2) Закона о Јавном радио-телевизијском систему Босне и Херцеговине („Службени гласник БиХ“, бр. 78/05, 35/09 и 32/10), Парламентарна скупштина Босне и Херцеговине, на 9. сједници Представничког дома, одржаној 25. марта 2015. године, и на __ сједници Дома народа, одржаној __. __ 2015. године, донијела је

ОДЛУКУ О ИЗНОСУ РТВ ТАКСЕ

Члан 1. (Предмет Одлуке)

Овом одлуком утврђује се износ мјесечне РТВ таксе за свако домаћинство и правно лице на територији Босне и Херцеговине које посједује радио или телевизијски пријемник.

Члан 2. (Износ РТВ таксе)

Утврђује се висина РТВ таксе у мјесечном износу од 7,50 КМ.

Члан 3. (Престанак важења)

Ступањем на снагу ове Одлуке, престаје важити Одлука Одбора Јавног радио-телевизијског система БиХ о усклађивању висине РТВ таксе са степеном инфлације број 4110-20/1 од 11. 02. 2013. године.

Члан 4. (Ступање на снагу)

Ова одлука ступа на снагу осмог дана од дана објављивања у „Службеном гласнику БиХ“.

Број: _____

__ 2015. године

Сарајево

Предсједавајући
Представничког дома
Парламентарне скупштине БиХ


Шефик Џаферовић

Предсједавајући
Дома народа
Парламентарне скупштине БиХ

Бариша Чолак



Bosna i Hercegovina
Босна и Херцеговина
Regulatorna agencija za komunikacije
Регулаторна агенција за комуникације



Sarajevo, 11. 2. 2015.
Broj: 03-50-3497-6/14

Parlamentarna skupština Bosne i Hercegovine
Predstavnički dom Parlamentarne skupštine Bosne i Hercegovine
Komisija za saobraćaj i veze

Trg BiH broj 1
71000 Sarajevo

01/5-29-1247/14
27.02.2015

Predmet: **Dopunjeni prijedlog iznosa RTV takse**

Veza: **Vaš akt 01/5-29-1247/14 od 10. 2. 2015.**

Poštovani,

u vezi sa Zaključkom Komisije sa 3. sjednice održane 9. februara/veljače 2015. godine, Regulatorna agencija za komunikacije Bosne i Hercegovine (u daljem tekstu: Agencija) ponovo dostavlja prijedlog za utvrđivanje visine iznosa RTV takse, sa dopunjenim obrazloženjem.

Agencija predlaže da se RTV taksa utvrdi u iznosu od 7,50 KM mjesečno.

Obrazloženje

Podsjećamo da visina RTV takse inicijalno utvrđena u iznosu od 6,00 KM još u januaru 1998. godine od strane Upravnog odbora Javnog preduzeća RTV BiH. Nakon toga, nije donošena nikakva posebna odluka o visini takse, nego je, na temelju člana 22. stav 4. Zakona o Javnom RTV sistemu BiH, vršeno usklađivanje visine RTV takse sa službenom stopom inflacije, tako da sada RTV taksa iznosi 7,50 KM. U prilogu ovog dopisa dostavljamo Odluku iz 1998. godine, kao i odluke o usklađivanju, koje smo pribavili od Odbora RTV sistema.

Prema odredbi člana 8, stav 1(a) Zakona o Javnom RTV Sistemu BiH, Odbora Sistema nadležan je za utvrđenje usaglašenog prijedloga RTV takse. U članu 22. stav 1. istog zakona, određeno je da će Regulatorna agencija za komunikacije BiH razmatrati i Parlamentarnoj skupštini BiH dostaviti prijedlog o iznosu RTV takse, dok je u stavu 3. utvrđeno da Odbor Sistema dostavlja Regulatornoj agenciji prijedlog iznosa buduće RTV takse, te da se takav prijedlog može podnijeti jedanput svakih pet godina.

Agencija nije od Odbora Sistema primila nikakav prijedlog za visinu RTV takse. Takav eventualan prijedlog podrazumijevao bi, svakako, i detaljnu analizu efekata visine RTV takse na buduće poslovanje javnih emitera.

Poštujući zakonski rok iz gore citiranog člana 22. stav 3. zakona, Agencija je razmatrala pitanje

visine RTV takse i stepena njene naplate, pa je zaključeno da u trenutnim okolnostima ne postoje argumenti koji bi opravdavali promjenu visine RTV takse. Naime, temeljni razlog na kojem je zasnovan navedeni zaključak, leži u činjenici da je stepen naplate RTV takse veoma nizak (sa stalnom tendencijom opadanja) pošto tu taksu sada plaća tek nešto više od 50% obveznika. Znači, eventualno povećanje visine RTV takse palo bi isključivo na leđa građana koji uredno ispunjavaju svoju obavezu, što bi faktički predstavljalo kaznu za njihovo savjesno postupanje, uz aboliciju nesavjesnih platiša.

Što se tiče pitanja finansijskog efekta predloženog iznosa RTV takse na buduće poslovanje javnih emitera, smatramo da Agencija u ovom trenutku ne može dati potpuno određeno i argumenirano izjašnjenje. Prije svega, takvo izjašnjenje može se dati samo na temelju stručne ekspertize koja bi trebala biti rađena u okviru samih javnih emitera, odnosno, Odbora Sistema. Međutim, ono što je nedvojbeno, jeste da osiguranje stabilnog i sigurnog izvora finansiranja javnih emitera predstavlja pitanje od izuzetne važnosti i da je njegovom rješavanju na sveobuhvatan, sistemski način treba pristupiti bez i najmanjeg odlaganja.

Imajući u vidu ono što je gore rečeno o niskom stepenu naplate RTV takse, jasno je da prioritetan zadatak jeste osigurati da se u okviru sistemskog rješenja taj stepen podigne u najvećoj mogućoj mjeri, jer je to u ovom trenutku apsolutno najvažniji faktor po pitanju finansijske samoodrživosti javnih emitera. Nakon toga moći će se utvrditi i odgovarajući iznos visine RTV takse koju građani trebaju (i mogu) plaćati kako bi imali nezavisan, kvalitetan i moderan medijski javni servis u skladu sa evropskim standardima. Znači, eventualne manje promjene visine takse, u ovom trenutku ne bi bitno promijenile finansijsku situaciju javnih emitera. Napominjemo da odredba pomenutog člana 22. stav 3. zakona daje mogućnost da se visina takse utvrdi i van predviđenog perioda od pet godina, ako to posebne okolnosti zahtijevaju.

U svakom slučaju, ako Vam je potrebno bilo kakvo dodatno objašnjenje ili informacija, stojimo Vam na raspolaganju.

S poštovanjem,

Predsjedavajući Vijeća Agencije
Plamenko Čustović

Dostavljeno:

- naslovu
- RTV BiH
- RTV FBiH
- RTRS
- arhiva

**JAVNO PREDUZEĆE RADIO TELEVIZIJA
BOSNE I HERCEGOVINE
UPRAVNI ODBOR**

Broj: _____

Sarajevo, 22. 1. 1998. godine

Na osnovu člana 50. Statuta Javnog preduzeća Radio-televizije Bosne i Hercegovine,
Upravni odbor RTV BiH na sjednici održanoj 22.1.1998.godine, donio je

O D L U K U

o utvrđivanju visine pretplate za korištenje radio i televizijskih prijemnika

Član 1.

Fizička lica (građani), društveno-pravna i građansko-pravna lica, plaćaju pret-
platu za korištenje radio i televizijskih prijemnika u visini i na način određen
ovom Odlukom.

1 - FIZIČKA LICA (GRADJANI)

a) Pretplata za korištenje radio prijemnika

Član 2.

- za sve radio-prijemnike u domaćinstvu, pod uslovom da su evidentirani na
istom korisniku i na istoj adresi mjesečno..... 4,00 KM.

b) Pretplata za korištenje TV prijemnika

Član 3.

za sve televizijske prijemnike u domaćinstvu, pod uslovom da su evidentirani na istom korisniku i na istoj adresi mjesečno. 6,00 KM

Član 4.

Korisnici televizijskih prijemnika, koji plaćaju pretplatu u smislu prethodnog člana, ne plaćaju pretplatu za korištenje radio-prijemnika u domaćinstvu pod uslovom da su evidentirani na istom korisniku i da se prijemnici nalaze na istoj adresi.

Član 5.

Oslobodjeni su pretplate za korištenje radio-televizijskih prijemnika:

- a) svi invalidi po vojnim propisima, invalidi milicije i protiv-požarne zaštite pod uslovom da su razvrstani u I i II grupu (kategoriju) sa 100% invalidnosti i da su nosioci domaćinstava.

Postojanje uslova za oslobađanje plaćanja pretplate za korištenje radio i televizijskih prijemnika, podnosioc zahtjeva dokazuje:

- uvjerenje o invalidnosti,
- potvrdom da je nosilac domaćinstva.

- b) lica koja su potpuno i trajno izgubila vid (100%) pod uslovom da su članovi Saveza slijepih i da su nosioci domaćinstava.

Postojanje uslova za oslobađanje plaćanja pretplate za korištenje radio i televizijskih prijemnika, podnosioc zahtjeva dokazuje:

- ljekarskim uvjerenjem o oštećenju vida,
- potvrdom o članstvu Saveza slijepih i
- potvrdom da je nosilac domaćinstva.

c) Lica oboljela od mišićne distrofije, paraplegije, dječije i cerebralne paralize i multipleks skleroze pod uslovom da ostvaruju pravo na njegu i pomoć od strane drugog lica, da su starije od 16 godine i da su članovi Saveza distrofičara, Saveza praparegičara, odnosno Udruženja oboljelih od cerebralne paralize ili Društva multipleksskleroze.

Postojanje uslova za oslobađanje plaćanja pretplate za korištenje radio i televizijskih prijemnika, podnosioc zahtjeva dokazuje:

- lječarskim uvjerenjem,
- uvjerenje o ostvarivanju prava na njegu i pomoć od strane drugog lica,
- dokazom o godinama starosti,
- potvrdom o članstvu u Savezu distrofičara, Savezu paraplegičara, odnosno Udruženja oboljelih od cerebralne paralize ili Društva multipleksskleroze.

d) Lica koja primaju stalnu socijalnu pomoć što dokazuju potvrdom nadležnog organa.

Član 6.

Rješenje o oslobađanju od plaćanja pretplate za korištenje radio-televizijskih prijemnika, na period od godinu dana, donosi Radio-televizija Bosne i Hercegovine.

Korisnik radio i televizijskih prijemnika koji je oslobođen plaćanja pretplate na godinu dana, dužan je obnoviti zahtjev najkasnije 30 dana prije isteka roka oslobađanja.

Korisnik iz prethodnog stava, koji u odnosnom roku ne izvrši obnavljanje zahtjeva, dužan je početi sa plaćanjem pretplate od prvog dana narednog mjesca od isteka vremena za koje je oslobođen.

II-DRUŠTVENO-PRAVNA LICA

b) Pretplata za korištenje radio-prijemnika

Član 7.

Za svaki pojedini radio-prijemnik u preduzeću u drugom pravnom licu razvrstanom prema odluci o jedinstvenoj klasifikaciji djelatnosti u grupi 01010 do 07032, od 08012 do 08020, od 09011 do 09020, od 10010 do 11090, od 14011 do 14041 i 12031 paušalno

4.

- za radio 252,00 KM
- za radio u auto 76,00 KM

Za svaki pojedini radio prijemnik smješten u sobama i za iznajmljivanje preduzeća i drugih pravnih lica iz oblasti ugostiteljstva i turizma razvrstanih prema Odluci o jedinstvenoj klasifikaciji djelatnosti u grupi 08011

- paušalno godišnje 40,00 KM

Za svaki pojedini radio-prijemnik u preduzećima i drugim pravnim licima iz oblasti obrazovanja, nauke i kulture, zdravstvene i socijalne zaštite i grupe društvene organizacije i udruženja građana razvrstanih prema Odluci o jedinstvenoj klasifikaciji djelatnosti u grupi 12011 do 12020, 12032 do 13024 i 14042 do 14049, paušalno godišnje:

- za radio 124,00 KM
- za auto radio 40,00 KM

b) Pretplata za korištenje televizijskih prijemnika

Član 8.

Za svaki pojedini televizijski prijemnik u preduzećima i drugim pravnim licima razvrstanih prema Odluci o jedinstvenoj klasifikaciji djelatnosti u grupi 01010 do 07032, 08012 do 08020, 09011 do 09020, 10010 do 11090, 14011 do 14041 i 12031.

- paušalno godišnje 834,00

Za svaki pojedini televizijski prijemnik smješten u učionici i nastavnim kabinetima preduzeća i drugih pravnih lica iz oblasti obrazovanja, koji služe u nastavne svrhe i za svaki televizijski prijemnik smješten u sobama za iznajmljivanje preduzeća iz oblasti ugostiteljstva i turizma svrstanih prema Odluci o jedinstvenoj klasifikaciji djelatnosti u grupi 08011, 09020 i 12011 do 12019.

- paušalno godišnje 136,00 KM

5.

Za svaki pojedini televizijski prijemnik u preduzećima i drugim pravnim licima
svrstanih prema Odluci o jedinstvenoj klasifikaciji djelatnosti u grupi 12011 do
12020, 12032 do 13024 i 14042 do 14049

- paušalno godišnje..... 432,00 KM

Član 9.

Osiobodjeni su od plaćanja pretplate za korištenje radio-televizijskih prijemnika
preduzeća i druga pravna lica iz oblasti zdravstvene zaštite grupe 13013 podgrupe
130131 i 130132.

III-GRADJANSKO-PRAVNA LICA

a) Pretplata za korištenje radio-prijemnika

Član 10.

Za svaki pojedini radio-prijemnik paušalno godišnje:

- za radio..... 148,00 KM
- za auto radio..... 36,00 KM

b) Pretplata za korištenje televizijskih prijemnika

Član 11.

Za svaki pojedini televizijski prijemnik, paušalno
godišnje..... 672,00 KM

Pripadnost pojedinih kategorija pretplatnika (~~društveno~~-pravnih i građansko
pravnih lica) čiji se na osnovu odluke o jedinstvenoj klasifikaciji djelatnosti
"Sl. list SFRJ" broj 34/76.

6.

Član 12.

Ova Odluka stupa na snagu danom usvajanja a primjenjivaće se od 1.2.1998. godine.

PREDSJEDNIK UPRAVNOG ODBORA

Prof.dr. Kasim Begić

1. *[Signature]*
2. *[Signature]*
3. *[Signature]*
4. *[Signature]*

UPRAVNI ODBOR
JAVNOG RTV SISTEMA BiH

Broj : 410-39/33
dana, 05.03.2008.g.

Upravni odbor Javnog RTV sistema BiH na osnovu člana 8.stav 1. a.i.a. Zakona o Javnom RTV sistemu BiH na sjednici održanoj 05.03.2008.g. donio je

ODLUKU
o usklađivanju visine RTV takse

I

Visina RTV takse usklađena sa službenom stopom inflacije u Bosni i Hercegovini za period 1.12.2005.godine do 31.12.2007.godine, iznosi 6,70 KM.


II

Ova Odluka stupa na snagu danom donošenja i primjenjuje se na račune RTV takse za mart / ožujak 2008.godine, bez obzira na način prikupljanja RTV takse.

Dostavljeno :

- 1.RAK
- 2.BHRT
- 3.RTV FBiH
- 4.RTRS
- 5.a/a

predstavljajući Upravnog odbora
Javnog RTV sistema BiH
Nikola Đerđić



UPRAVNI ODBOR
JAVNOG RTV SISTEMA BiH

Broj: 4110-72/09
Sarajevo, 20. III 2009. godine

Upravni odbor Javnog RTV sistema BiH, na osnovu Člana 8. stav 1. a) i Člana 22. stav 4. Zakona o Javnom RTV sistemu BiH, na sjednici održanoj 20. 03. 2009. godine, donio je

ODLUKU

o usklađivanju visine RTV takse sa stepenom inflacije

I

Visina RTV takse, usklađena sa službenom stopom inflacije u Bosni i Hercegovini za period 1. 01. do 31. 12. 2008. godine, iznosi 6,95 KM.

II

Ova Odluka stupa na snagu danom donošenja i primjenjuje se na račune RTV takse za mart/ožujak 2009. godine, bez obzira na način naplate RTV takse.

Upravni odbor
Javnog RTV sistema BiH
Nikola Deretić, predsjedavajući

Dostavljeno:

1. RAK
2. BHRT
3. RTVFBiH
4. RTRS
5. Telekom operateri
6. a/a

ODBOR JAVNOG
RADIOTELEVIZIJSKOG SISTEMA BiH

Broj: 400-05/11
Banjaluka, 2. III 2011. godine

Odbor Javnog RTV sistema BiH, na osnovu Člana 8. stav 1. a i Člana 22. stav 4. Zakona o
Javnom RTV sistemu BiH, na sjednici održanoj 2. 03. 2011. godine, donio je

ODLUKU

o usklađivanju visine RTV takse sa stepenom inflacije

I


Visina RTV takse, usklađuje se sa zvaničnom stopom inflacije u Bosni i Hercegovini, u visini
od 3,1% za period 1. 01. do 31. 12. 2010. godine.

II

Korigovani iznos RTV takse iz člana I ove Odluke iznosi 7,15 KM.

III

Ova Odluka stupa na snagu danom donošenja i primjenjuje se na račune RTV takse za
mart/ožujak 2011. godine, bez obzira na način naplate RTV takse.



Odbor Javnog RTV sistema BiH
Ahmed Žilić, predsjedavajući

Dostavljeno:

1. RAK
2. BHRT
3. RTVFBiH
4. RTRS
5. Telekom operateri
6. a/a

ODBOR JAVNOG
RADIOTELEVIZIJSKOG SISTEMA BiH

Broj:
Sarajevo,

Odbor Javnog RTV sistema BiH, na osnovu Člana 8. stav 1. a) i Člana 22. stav 4. Zakona o
Javnom RTV sistemu BiH, usaglašeno donosi

ODLUKU

o usklađivanju visine RTV takse sa stepenom inflacije

I

Visina RTV takse, usklađuje se sa zvaničnom stopom inflacije u Bosni i Hercegovini, u visini
od 3,1% za period 1. 01. do 31. 12. 2011. godine.

II

Korigovani iznos RTV takse iz člana I ove Odluke iznosi 7,35 KM.

III

Ova Odluka stupa na snagu danom donošenja i primjenjuje se na račune RTV takse za
mart/ožujak 2012. godine, bez obzira na način naplate RTV takse.

Odbor Javnog RTV sistema BiH

Mirko Vuković, predsjedavajući

Dostavljeno:

1. RAK
2. BHRT
3. RTVFBiH
4. RTRS
5. Telekom operateri
6. a/a

ODBOR JAVNOG
RADIOTELEVIZIJSKOG SISTEMA BiH

Broj: 4110-20/1
Sarajevo, 11.2.2013. godine

Odbor Javnog RTV sistema BiH, na osnovu Člana 8. stav 1. a) i Člana 22. stav 4. Zakona o
Javnom RTV sistemu BiH, usaglašeno donosi

ODLUKU

o usklađivanju visine RTV takse sa stepenom inflacije

I

Visina RTV takse, usklađuje se sa zvaničnom stopom inflacije u Bosni i Hercegovini, u visini
od 1,8% za period 1. 01. do 31. 12. 2012. godine.

II

Korigovani iznos RTV takse iz člana I ove Odluke iznosi 7,50 KM.

III


Ova Odluka stupa na snagu danom donošenja i primjenjuje se na račune RTV takse za
mart/ožujak 2013. godine, bez obzira na način naplate RTV takse.

Dostavljeno:

1. RAK
2. BHRT
3. RTVFBiH
4. RTRS
5. Telekom operateri
6. a/a

Odbor Javnog RTV sistema BiH

Mirko Vuković, predsjedavajući





RADIO-TELEVIZIJA BOSNE I HERCEGOVINE
РАДИО-ТЕЛЕВИЗИЈА БОСНЕ И ХЕРЦЕГОВИНЕ
RADIO AND TELEVISION OF BOSNIA AND HERZEGOVINA

01/5-29

Broj: 101-625/15
Sarajevo, 19.03.2015.

www.bhrt.ba

BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
Komisija za saobraćaj i komunikacije

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO:		19-03-2015	
Organizaciona jedinica	Klasifikaciona oznaka	Redni broj	Broj priloga
01/5-29		919/11	

Predmet: Materijal o RTV taksi, dostavlja se

Poštovani,

Za posebnu sjednicu Komisije za saobraćaj i komunikacije Predstavničkog doma koja je zakazana za ponedjeljak 23.3. 2015. godine o temi „Utvrđivanje visine RTV takse“, dostavljam Vam materijal koji je sačinio Poslovodni odbor BHRT u kojem su obrađene pravne i finansijske pretpostavke i implikacije finansiranja javnih RTV servisa u Bosni i Hercegovini.

S poštovanjem,

Muhamed Bakarević
generalni direktor BHRT



POZICIJA BHRT-a U SISTEMU FINANSIRANJA JRTV SERVISA PUTEM RTV TAKSE

1. Zakonski okvir finansiranja javnih RTV servisa (Pozicija BHRT)

KO PLAĆA TAKSU:

Zakonom o javnom RTV Sistemu Bosne i Hercegovine (Službeni glasnik BiH, 78/05) utvrđen je mješoviti sistem finansiranja tri javna servisa - Radio televizije Bosne i Hercegovine (BHRT), Radiotelevizije Federacije BiH (RTV FBiH) i Radiotelevizije Republike Srpske (RTRS); finansiranje iz takse i marketinga koji je ograničen na 6 minuta po satu prim-time (Kodeks o komercijalnim komunikacijama, mart 2014.).

RTV taksa je osnovni prihod javnih RTV servisa. Obveznik RTV takse je svako domaćinstvo i pravno lice na teritoriji Bosne i Hercegovine uz pretpostavku posjedovanja RTV prijemnika (Član 17.).

Kao i u većini evropskih zemalja plaćanje RTV takse zasniva se na pretpostavci o posjedovanju RTV prijemnika (Član 19.).

Broj prijemnika na koji se plaća RTV taksa, obaveza prijavljivanja, sankcije, nadzor i druga pitanja uređeni su Zakonom.

Nadležnost za utvrđivanje načina naplate RTV takse povjeren je Odboru sistema (Član 18), ostavljajući mogućnost da ovo tijelo uređi način i organizaciju ubiranja takse.

I u većini evropskih zemalja obveznik plaćanja RTV takse je domaćinstvo.

VISINA RTV TAKSE

Visina RTV takse utvrđena je prije donošenja ovog Zakona još 1998. godine od strane tadašnjeg Upravnog odbora JP RTV BiH u visini od 6 KM. Visina RTV takse više nije mijenjana. Od donošenja ovog zakona (8.11. 2005. godine) visina RTV takse usklađuje se sa stopom inflacije u BiH. Za 2013. godinu taksa je nakon usklađivanja sa stopom inflacije, utvrđena na nivou 7,5 KM. Zbog službeno objavljene deflacije od strane Agencije za statistiku BiH, visina takse nije se mijenjala za 2014. i 2015. godinu.

U Hrvatskoj se RTV taksa plaća u visini od 80 kuna mjesečno (približno 10,5 eura), a u Austriji 366 eura godišnje (30,5 eura mjesečno), u Finskoj u rasponu od 40-140 eura, zavisno od visine dohotka.

ULOGA TRI OPERATERA TELEKOMA

U periodu važenja prve dozvole Sistema koja ističe 26.4.2015. godine, telekom operaterima je povjerena glavna uloga u prikupljanju RTV takse. Takvo rješenje nametnuto je s ciljem kako bi se osiguralo stabilno finansiranje javnih RTV servisa u prelaznom periodu.

Prelaznim odredbama (Član 42.) propisano je da:

- (4) „U periodu važenja prve dozvole Sistema RTV taksu naplaćuju operateri TELEKOM-a“;

* (5) „Operateri TELEKOM-a pri prikupljanju RTV takse uložiti će iste napore kao pri naplaćivanju vlastitih potraživanja“.

Zakon ni imenovao „operatere TELEKOM-a“.

Nametanjem obaveza prema dominantnim operatorima TELEKOM-a (BH Telekom, HT Mostar i Telekomunikacije RS) od strane zakonodavca i međunarodnih kancelarija (OHR) proizašlo je iz potrebe da se javnim servisima obezbijedi stabilno finansiranje, kako bi oni mogli pružiti kvalitetan, uravnotežen i nepristrasan radijski i televizijski program.

Preciznija razrada zakonske odredbe sadržana je u odlukama entitetskih vlada u kojima su poimenice navedena tri telekom operatera (Vlada Federacije BiH – **BH Telekom** i **HT Eronet**, a Vlada RS – **Telekomunikacije RS**) da prikupljaju RTV taksu uz račune za usluge fiksne telefonije. Na osnovu Zakona i odluka entitetskih vlada, tri javna RTV servisa sklopili su ugovore sa telekom operatorima o naplati takse i međusobnim odnosima. Zakon je definirao rok ove obaveze – važenje prve dozvole Sistema, koja ističe 26.4.2015. godine. Model po kojem tri dominantna telekom operatera naplaćuju RTV taksu primjenjuje se od 2004. godine. Javni servisi za naplaćenu taksu plaćaju telekom operatorima 4 % provizije na ime troškova.

U vrijeme donošenja Zakona navedena tri operatera telekoma imali su dominantnu tržišnu ulogu, pa su oni logično i navedeni u odlukama entitetskih vlada. Međutim, i novonastali operatori telekoma, shodno zakonskoj definiciji iz člana 42 (4) morali su se uključiti u prikupljanje RTV takse, ali javni servisi nisu ih uspjeli privoliti da to učine.

U periodu 1998-2004 RTV taksu naplaćivale su javna elektroprivredna preduzeća uz račune za isporučenu električnu energiju.

ORGANIZACIJA I NAČIN NAPLATE

Zakon je odredio da će na području Federacije BiH, RTV taksu naplaćivati RTV Federacije BiH, a na području Republike Srpske, Radio-televizija Republike Srpske.

BHRT je ovlašten da vrši naplatu takse na području Brčko distrikta (Član 28 (4)).

RTV FBiH i RTRS imaju formirane službe za naplatu RTV takse, vode evidenciju naplate, staraju se o bazi podataka, praćenju naplate i organizaciji inkaso službi.

Službe za RTV taksu organiziraju i prikupljaju taksu od obveznika koji nisu obuhvaćeni plaćanjem takse uz račun za fiksni telefon ili su isti odjavili prelaskom na pakete APTV koji omogućavaju korištenje fiksnog telefona, interneta i praćenje televizijskih programa. Međutim, ovaj vid ubiranja RTV takse pokazao se kao skup i neefikasan. Tako je 2014. godine Služba za RTV taksu RTV F BiH ostvarila 2,8 miliona KM prihoda. Za Službu RTRS ne posjedujemo službeni podatak, a u 2013. godini taj prihod bio je iznad 5 miliona KM. Služba RTV takse RTRS ne prebacuje sredstva na jedinstven račun kako je to definirano Zakonom, a RTV FBiH to čini s velikim zakašnjenjem.

RASPODJELA PRIHODA

Način ubiranja i raspodjele prihoda (RTV takse i marketinga) počiva na konceptu izgradnje sistema javnog radiotelevizijskog emitiranja u BiH. Taj koncept počiva na ideji tri emitera jedna logistika (korporacija). Koncept je bio zamišljen da obezbijedi jedan funkcionalan sistem proizvodnje programa u okviru tri servisa čije bi se sheme konvergirale, sa propisanom ulogom javnih servisa, a jedinstvena logistika omogućila jeftiniju i efikasniju podršku. Logistika je trebala predstavljati sve ono što nije program.

U skladu s tom koncepcijom sistema uređen je način raspodjele ostvarenog prihoda - RTV takse i prihoda od marketinga po kojem netto prihod u visini od 50% pripada BHRT, a po 25 % RTV FBiH i RTRS (Član 23).

Zakon je propisao obavezu BHRT da pokriva cijeli prostor Bosne i Hercegovine i obezbjeđuje programске sadržaje od interesa za cijelu BiH - nastupe državne reprezentacije, međunarodna takmičenja, olimpijade, svjetska prvenstva u popularnim sportovima itd, te finansiranja produkcijskih resursa do uspostave Korporacije.

POZICIJA BHRT U SISTEMU RASPODJELE TAKSE

BHRT nema svoju službu prikupljanja RTV takse. U tom smislu BHRT je potpuni ovisnik od rada Službi za naplatu RTV taksu RTV FBiH i RTRS, i od prihoda koji uplate tri telekom operatera.

Zakonom je propisano da su Službe za RTV taksu i marketinške službe javnih servisa, dužne da prikupljena sredstva bez odlaganja uplate na jedinstven račun s kojeg se vrši utvrđena raspodjela sredstava Član 23(8) i (9).

Međutim, odredba o raspodjeli marketinškog prihoda nikada nije poštovana. Zakon o RTV Federacije BiH (Službene novine Federacije, broj 48/08, od 6.8.2008. godine) usvojen u dijelu koji je suprotan sa članom 23. Zakona o JRTS BiH. U članu 18 (3) Federalnog zakona propisano je da „Prihodi koje RTV FBiH ostvaruje od marketinga primarno se koriste za finansiranje vlastite djelatnosti“. U praksi to značilo zadržavanje marketinškog prihoda u cjelini, odnosno ignoriranje Zakona o JRTS BiH koji je u hijerarhiji propisa više pravne snage. Kršenjem ove odredbe u startu je narušena ideja finansiranja sistema kao i samog sistema javnog RTV emitiranja.

Drugi je problem, nepoštivanje ili kršenje Zakona od strane entitetskih servisa. Zakon je propisao da su organizacije koje naplaćuju taksu, (Član 23(8)) „dužne uplatiti naplaćeni iznos na jedinstven račun bez odlaganja“. U narednom stavu (9) stoji da će se „raspodjela sredstava javnim RTV servisima s jedinstvenog računa vršiti bez odlaganja“.

U praksi to izgleda sasvim drugačije. Samo sredstva koje prikupe tri telekom operatera prebacuju na jedinstven račun s kojeg se vrši raspodjela prema utvrđenoj proporciji. Prihod od marketinga nikada se nije dijelio, čime je u startu prekršen Zakon.

Kada su u pitanju sredstva koje prikupje entitetske službe (prihod od inkasa i prinudne naplate) prisutno je zadržavanje prihoda na računima RTV FBiH i RTRS i izbjegavanje prebacivanja na jedinstveni račun, čime je BHRT direktno oštećen za značajna sredstva.

Pokušaji da se ova praksa prekiće nisu urodili plodom. Kako bi se povećali prihodi i spriječilo kršenje Zakona, tri generalna direktora potpisali su 2009. godine Odluku o načinu raspodjele troškova naplatnih službi RTV takse. Prema ovoj odluci prikupljenja sredstva od strane naplatnih službi RTV FBiH i RTRS biće bez odlaganja uplaćena na jedinstveni račun (član 2), a troškovi rada službi priznavaće se na osnovu godišnjeg plana koji će usvajati do 1.11. tekuće godine za narednu kalendarsku godinu (član 3).

Uprkos preciznoj zakonskoj odredbi i međusobnim dogovorom (Odluka o načinu raspodjele troškova naplatnih službi od 21.11.2009.), entitetski emiteri su kršili Zakon i uskraćivali BHRT za prihod koji mu pripada. RTV FBiH je djelimično ispunjavala zakonsku obavezu, a RTRS od sredstava inkasa nije doznacila ni jednu KM na račun BHRT.

Zbog zaštite finansijskih interesa BHRT moglo bi doći i do sudskih sporova.

PROBLEM UTUŽIVANJA

Službe za RTV taksu suočavaju sa velikim problemom utuživanja neplatiša. Odlukom ustavnog suda BiH AP-3742/08 odlučeno je da se računi ili izvodi iz poslovnih knjiga javnih RTV servisa u odnosu na potraživanje RTV takse (Član 25 Zakona o JRTS BiH), ne predstavljaju „vjerodostojnu ispravu“ u smislu člana 29 (2) Zakona o izvršnom postupku Federacije BiH. Sud je stao na stanovište da se izvodi iz poslovnih knjiga mogu smatrati vjerodostojnim ispravama samo ako se radi o komunalnim uslugama.

Dakle, nadležne službe za RTV taksu ne mogu podnijeti sudu zahtjev za izdavanje platnih naloga protiv dužnika. Upućivanje na građansku parnicu u kojoj se prvo dokazuje osnov potraživanja, predstavlja preškur i krajnje neefikasan način utuživanja RTV takse.

Problem je član 378 ZOO koji propisuje zastaru potraživanja u roku od jedne godine.

I u Republici Srpskoj došlo je do izmjene Zakona o izvršnom postupku na identičan način kao u Federaciji.

2. Efekti postojećeg načina prikupljanja RTV takse

Postojeći način organizacije naplate nije dao zadovoljavajuće rezultate, od samog početka funkcionisanja, kako po stepenu naplate, tako i po ukupnom broju pretplatnika u odnosu na ukupan broj domaćinstava koja prema Zakonu o JRTV Sistemu imaju obavezu plaćanja RTV takse. Pored toga što nisu obuhvaćena sva domaćinstva, broj pretplatnika kod telecom operatera je u stalnom padu, uglavnom zbog prelaska domaćinstava na alternative fiksne telefonije. S druge strane vlastite službe pretplate ne uspijevaju da obuhvate sve pretplatnike koji su se odjavili sa računa za fiksnu telefoniju, te je ukupan broj pretplatnika u stalnom padu. Posljedica je sve manji iznos fakturisane RTV takse, a uz nizak stepen naplate, naročito kod valstifih službi pretplate, iznos prikupljene RTV takse je sve manji. Problemi i posljedice postojeće organizacije naplate i regulacionih mehanizama za rezultat imaju dugogodišnje

milionske gubitke osnovnog izvora finansiranja JRTV servisa što je značajno djelovalo na stabilnost i onemogućilo razvoj JRTV servisa u korak sa evropskim standardima.

Na narednim graficima dat je prikaz efekata postojećeg načina prikupljanja RTV takse. Analiza je izvršena pojedinačno za područja FBiH i RS-a, te su iskazani sumarni efekti na nivou BiH.

Napomena:

1. Podaci za ukupan broj pretplatnika iskazani na dan 31.12. tekuće godine
2. Broj pretplatnika za područje Brčko Distrikta, koji su bili poznati u izradi izvještaja na dan 31.12.2014. godine iskazan je u okviru broja pretplatnika Federacije BiH i RS-a, što:
 - 8.124 pretplatnika telecoma RS-a u okviru broja pretplatnika na području RS-a;
 - 960 pretplatnika putem inkaso službe pretplate RTV FBiH u okviru broja pretplatnika na području Federacije BiH;
 - 2.414 pretplatnika putem BH telecoma u okviru broja pretplatnika na području Federacije BiH;
 - 183 pretplatnika putem HT Eroneta u okviru broja pretplatnika na području Federacije BiH;
3. Broj pretplatnika preko inkaso službe RTRS-a uzet na dan 31.12.2013. godine jer za 2014. godinu od strane RTRS-a nije dostavljen niti jedan izvještaj iz kojeg se može vidjeti ukupan iznos fakturisanje RTV takse putem ove službe niti broj pretplatnika;


Grafik broj 1

Ukupan broj pretplatnika na području Federacije BiH u 2009. godini bio je 561.632 pretplatnika, dok je u 2014. godini ovaj broj smanjen na 403.546 pretplatnika. U periodu 2009-2014. godina broj pretplatnika se smanjio za 158.086 pretplatnika, odnosno za 28% u odnosu na broj pretplatnika koji je bio na području Federacije BiH krajem 2009. godine.



U periodu 2009-2014. godina ukupna stopa pada broja pretplatnika iznosi 31 %, te je broj pretplatnika na kraju 2014. godine manji za 31 % u odnosu na broj pretplatnika koji je bio na kraju 2008. godine.


Grafik broj 2:



Grafik broj 3:

Ukupan broj pretplatnika na području Republike Srpske u 2009. godini bio je 340.527 pretplatnika, dok je u 2014. godini ovaj broj smanjen na 288.634 pretplatnika. U periodu 2009-2014. godina broj pretplatnika se smanjio za 150.086 pretplatnika, odnosno za 15% u odnosu na broj pretplatnika koji je bio na području Federacije BiH krajem 2009. godine.


ukupan broj pretplatnika područje RS-a



Grafik broj 4


Na području Republike Srpske u 2009. godini zabilježen je rast broja pretplatnika od 16 %, dok u narednom periodu broj pretplatnika konstantno pada. Na kraju 2014. godine broj pretplatnika je zbog konstantnog pada veća za 1 % u odnosu na broj pretplatnika koji je bio na kraju 2008. godine.

Stopa pada broja pretplatnika na području područje RS-a (baza 31.12.2008. godine)




Grafik broj 5:

U periodu 2009-2014. godina na području BiH broj pretplatnika se smanjio za 209.979 pretplatnika što čini 23 % manje pretplatnika na kraju 2014. godine u odnosu na broj pretplatnika koji je bio na kraju 2009. godine.



Grafik broj 6:


Na kraju 2014. godine broj pretplatnika na području BiH je manji u odnosu na broj koji je bio na kraju 2008. godine za 25%



Izgubljeni iznos RTV takse na području BiH kao posljedica pada broja pretplatnika za period 2009-2014. godina iznosi 20.096.216 KM od čega:

- Za područje Federacije BiH iznos od 12.117.710 KM;
- Za područje RS-a iznos od 5.133.966 KM;


IZNOS RTV TAKSE IZGUBLJEN SMANJENJEM BROJA PRETPLATNIKA UKUPNO ZA PERIOD 2009-2014. GODINA



Grafik broj 8

Gubitak na RTV taksi kao efekat pada broja pretplatnika i stepena naplate iskazan u nenaplaćenju RTV taksi za period 2009-2014. Godina iznosio je 121.129.104 KM za područje BiH od čega:

- Za područje Federacije BiH iznos od 86.171.927 KM;
- Za područje RS-a iznos od 42.331.678 KM;



3. Uporedni prikaz ukupnog broja domaćinstava i trenutnog broja pretplatnika putem naplate RTV takse uz račun za fiksnu telefoniju i inkaso službe naplate

Prema članu 17. Zakona o JRTV sistemu RTV taksu dužno je plaćati svako domaćinstvo i pravno lice koje posjeduje TV prijemnik. U tabeli 1 dat je uporedni prikaz ukupnog broja domaćinstava prema rezultatima preliminarnog popisa stanovništva u BiH na dan 31.12.2013. godine službeno objavljenih od strane Zavoda za statistiku F BiH i trenutnog broja registrovanih obveznika RTV takse u bazama telecoma i inkaso službi.

Tabela 1 Odnos ukupnog broja domaćinstava i postojećeg broja pretplatnika

1	NAČIN NAPLATE	Područje F BiH	Područje RS	Brčko Distrikt	Ukupno na nivou BiH
		potencijalni broj pretplatnika			
2		3	4		5(3+4)
1	BROJ DOMAĆINSTAVA (preliminarni rezultati popisa 31.12.2013. godina)	721.199	414.847	27.347	1.163.393
2	BROJ PRETPLATNIKA PUTEM TELECOMA I INKASO SLUŽBI NA DAN 31.12.2014.	399.989	280.510	11.681	692.180
3	RAZLIKA (1:2)	321.210	134.337	15.666	471.213
4	% MOGUĆEG POTENCIJALNOG POVEĆANJA BROJA PRETPLATNIKA	44	32	57	40

Napomena: U tabeli 1 nisu mogli biti odvojeno prikazani podaci o broju pretplatnika putem telecoma i inkaso službi iz razloga što se prikupljanje na

Tabela 1 pokazuje da je ključni problem u odnosu broja registrovanih pretplatnika i ukupnog broja domaćinstava koji prema Zakonu o JRTV sistemu imaju obavezu plaćanja RTV takse (ukoliko i posjeduju TV prijemnik.

- Broj domaćinstava na teritoriji BiH je 40 % veći od broja registrovanih obveznika RTV takse što iznosi 471.213 pretplatnika čime je potencijalni iznos prikupljene RTV takse na teritoriji BiH manji za 42.409.170 KM na godišnjem nivou pri postojećoj visini RTV takse.
- Na području FBiH broj ukupan broj domaćinstava je 44 % veći od broja a registrovanih obveznika RTV takse što iznosi 321.210 pretplatnika čime je potencijalni iznos prikupljene RTV takse na teritoriji BiH manji za 28.908.900 KM na godišnjem nivou pri postojećoj visini RTV takse.
- Na području RS-a broj ukupan broj domaćinstava je 32 % veći od broja registrovanih obveznika RTV takse što iznosi 134.337 pretplatnika čime je potencijalni iznos prikupljene RTV takse na teritoriji BiH manji za 12.090.330 KM na godišnjem nivou pri postojećoj visini RTV takse.
- Registrovani broj pretplatnika RTV takse putem postojećih baza u procesu prikupljanja RTV takse putem telecoma i inkaso službi pokazuje značajne razlike u odnosu na broj domaćinstava na teritoriji BiH.

U odlukama načina prikupljanja RTV takse u skladu sa postojećim Zakonskim rješenjima potrebno je da se obuhvati što je moguće veći broj domaćinstava bez obzira da li to bila naplata putem ugovornog odnosa sa drugim pravnim licima ili putem vlastitih službi preplate.

Analiza prethodnog perioda naplate je pokazala da vlastite službe preplate u postojećoj organizaciji naplate putem inkasanaata nisu uspjele da prihvate ni približno objavljeni broj pretplatnika kod telecoma, auz to imaju jako nizak stepen naplate.

U nastavku je dat tabelarni prikaz ukupnog broja domaćinstava po preliminarnim izvještajima popisa stanovništva na dan 31.12.2013. godine i broja priključaka fizičkih lica za električnu energiju.

Tabela 2: Odnos ukupnog broja domaćinstava i postojećeg broja pretplatnika

r.b.	NAČIN NAPLATE	Područje FBiH	Područje RS	Ukupna na nivou BiH
		potencijalni broj pretplatnika		
1	2	3	4	5(3+4)
1	BROJ DOMAĆINSTAVA u BiH	721.199	414.847	1.136.046
2	ELEKTROPRIVREDA na području BiH (broj priključaka fizičkih lica na osnovu podataka iz Izvještaja FERK-a i RERS-a za 2013. godinu)	824.518	503.894	1.328.412
3	RAZLIKA (1-2)	-103.319	-89.047	-192.366

4. Ključni problemi fakturisanja i naplate RTV takse

Ključni problemi fakturisanja i naplate RTV takse ogledaju se u:

- Stalni rastući pad broja pretplatnika kod telecoma;
- Porast broja pretplatnika kod vlastitih službi je nedovoljan da eliminiše gubitke od pada broja pretplatnika kod telecoma;
- Nizak stepen naplate kod svih vidova naplate;

- Vlastite službe pretplate organizuju način naplate angažovanjem lica izvana (fizička lica na ugovor o djelu) sa visokim troškovima naplate što ima značajan utjecaj na raspoloživi iznos neto RTV takse za raspodjelu (prikupljena taksa umanjena za učinjene troškove naplate RTV takse);
- Vlastite službe pretplate RTV F BiH i RTRS-a ne vrše prenos prikupljenih sredstava putem inkasa na jedinstven račun za raspodjelu, tako da se sredstva prikupljena putem inkasa ne raspodjeljuju po principu raspodjele definisane Zakonom o JRTV Sistemu nego je entitetske televizije zadržavaju na vlastitim računima, dok troškove ne samo naplate nego ukupne organizacije poslova vlastitih službi redovno fakturišu BHRT-u čime se značajno ugrožava poslovanje BHRT-a. Na dan 31.12.2014. godine ukupna dugovanja entitetskih televizija po ovom osnovu prema BHRT-u iznose 6.353.848 KM od čega:
- ✓ RTRS duuguje iznos od 5.374.694 KM;
- ✓ RTV F BiH duuguje iznos od 979.154 KM;
- Postojeći registar obveznika RTV takse putem baza telećomā za fiksnu telefoniju i inkaso baza vlastitih službi pretplate ni približno nije jednak broju domaćinstava na teritoriji BiH koji prema Zakonu o JRTV sistemu imaju obavez plaćanja RTV takse.
- Nepostojanje jedinstvene metodologije planiranja i izvještavanja o RTV taksi za sva tri emitera, koji bi obezbjedio kontinuirano praćenje i kontrolu kretanja broja pretplatnika.

ZAKLJUČAK

1. BHRT je potpuno finansijski ovisan od sredstava koje prikupe BH Telecom, HT Mostar i M'tel iz Banjaluke;
2. BHRT nema uticaj na način prikupljanja i raspodjele sredstava od strane entitetskih službi RTV takse;
3. Do uspostave novog modela naplate RTV takse kao „mjera preživljanja“ naophodno je produženje važenja Prelaznih odredbi iz člana 42 Zakona o JRTS BiH;
4. Neophodno je donošenje novog zakona o JRTS BiH koji će sadržati efikasne mjere za naplatu RTV takse i urediti odnose unutar sistema u skladu sa evropskom tradicijom. U budućim zakonskim izmjenama organizacije koje pružaju masovne usluge građanima (telekomi ili elektroprivredna preduzeća) **moraju se obavezati** snagom Zakona da na efikasan način vrše naplatu RTV takse koja predstavlja parafiskalni prihod.

U Sarajevu, mart 2015.